

PRODUSAUN FINI KOMUNIDADE & FINI KOMERSIÁL

Husi : Leoneto Pedro Hornay



Seeds of Life
Fini ba Moris



Abstratu

Produtór Fini Komunitade no Komersiál hanesan grupu ne'ebé forma husi MAP-SOL atu bele produs fini ho kualidade di'ak hodi responde ba nesesidade agrikultór sira nian iha Timor Leste. Númeru atuál Produtór Fini Komunitade no Komersiál hamutuk iha 69 inklui rejiaun espesiál Oecusse. Produtór Fini Batar Sele no Noi Mutin iha 38, Produtór Fini Hare Nakroma iha 16 no Produtór Fini Forerai Utamua iha 14, ne'ebé númeru ida ne'e la inklui Produtór Fini Komersiál foun 11 ne'ebé foin mak estabesele no seidak produs fini. Produtór Fini Komersiál 69 ne'e mak forma Asosiasaun Nasionál Produtór Fini Komersiál ho naran "ANAPROFIKO". ANAPROFIKO hanesan sumbriña ida atu bele hamahon Produtór Fini Komersiál sira iha Timor Leste laran tomak.

Liafuan Sávi : Seguransa Ai-han Hahu ho Seguransa Fini

Introdusaun

Seguransa ai-han sai hanesan prioridade aas ba governu no populasaun iha Timor Leste. Seguransa ai-han sei sai posível wainhira umakain agrikultór iha ona fini ne'ebé ho kualidade di'ak no seguru. Iha tinan hirak liu ba MAP-SOL liu husi nia komponente 3 serbisu makaas forma grupu hodi habarak fini husi variedade ne'ebé lansa tiha ona husi Ministériu da Agrikultura i Peskas. MAP liu husi nia programa Seeds of Life konsege hasa'e ona produsaun ne'ebé signifkante aas iha rai laran. Atu mantein kondisaun ida ne'e MAP-SoL estabesele Asosiasaun Produtór Fini Komersiál no Fini Komunitade 69 iha teritóriu laran tomak. Husi númeru ida ne'e iha 38 mak produs fini batar SELE no NOI MUTIN, 16 produs fini hare NAKROMA, no 14 mak produs fini forerai Utamua. Iha asosiasaun 11 mak foin estabesele no seidak produs fini. MAP-SoL halo susesu bo'ot hodi estabesele Asosiasaun Nasionál Produtór Fini Komersiál "ANAPROFIKO" iha dia 19 Marsu 2015.

Objetivu

1. Atu produs fini kualidade di'ak hodi responde ba demanda agrikultór sira nian.
2. Atu habelar fini kualidade di'ak ba familia agrikultór kbiit laek.
3. ANAPROFIKO hanesan sumbriña ida hodi hamahon Produtór Fini Komersiál no Fini Komunitade hotu iha Timor Leste.

Metodolojia

Hamutuk ho Ministériu da Agrikultura i Peskas atravez Diresaun Nasionál de Estensaun hodi forma :

1. Grupu Agrikultór
2. Asosiasaun Agrikultura
3. Asosiasaun Nasionál Produtór Fini Komersiál "ANAPROFIKO"

Konkluzaan

- Fini Kualidade di'ak 98% moris di'ak
- Reziste ba Peste no Moras
- Adapta ba kondisaun rai hotu-hotu
- ANAPROFIKO hanesan sumbriña ba Produtór Fini Komersiál,
- Hanesan PONTE hodi hato'o Produtór Fini Komersiál no Fini Komunitade sira nia lian ba governu (MAP).



PFK LACABASE - BOBONARO



PFK RAIMEAN - BAUCAU



Pakote fini ba loja Agricultura




Referénsia


1. Matadalan ba Habarak Fini Informal iha Timor Leste, Seeds of Life Máiu 2012.
2. Rekomendasaun Sumáriu HABARAK FINI INFORMAL, Seeds of Life, 2012.
3. Rezultadu Produsaun Fini Komersiál no Fini Komunitade, MAP-SOL, 2015.

Rezultadu

Tabela Produsaun Fini BATAR, HARE NAKROMA no FORERAI UTAMUA iha Epoka I no II 2015



Rezultadu Fini Ne'ebe Fa'an (Toneladas)



Produtór Fini Komersiál 69 ho nia membru maizumenus 1,700. Produtór Fini Komersiál 11 foin mak estabesele no seidak iha produsaun. Total produsaun Batar Sele tonelada 111,08, Noi Mutin tonelada 51,191, Hare Nakroma tonelada 111.4, Forerai Utamua tonelada 19.